

Vne heure après, ou enuiron; que ce sacré deposit fut mis en terre, vne personne digne de foy (dit la Mere qui a fait ces remarques) s'en allât pour quelque action de charité, à vne lieüe de Kebec, nostre chere defuncte luy apparut par vne vision intellectuelle: Son port estoit rempli de majesté, sa face couuerte de rayons de lumiere & de gloire, ses yeux capables de consumer vn cœur; Il m'a assuré (adjoûte-elle) que ses regards causerent vn tel affant d'amour de Dieu au fond de son ame, qu'il en pensa mourir. Elle l'accompagna iusqu'au lieu où la charité le portoit, & se rendit encoir presente au retour, par vne façon fort interieute, mais tres-certaine, traitant avec luy par voye d'intelligence, sur des sujets particuliers dont ie ne puis parler.

Le lendemain, la mesme personne s'en allant à l'Isle d'Orleans sur le grand Fleuve glacé, à deux lieües de Kebec, le flux de la mer qui monte iusques-là, fauorisé de la chaleur du Printéps, auoit destaché, & abyssmé quelques-vnes de ces glaces espaisles, qui chargét tous les ans le grand fleuve de S. Laurens, & le froid de la nuict auoit formé vne petite croûte, ou vne pe-